



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

1. Quae peccata simul existant cum fide, gratia, atque Spiritus sancto.

urn:nbn:de:hbz:466:1-29452

præmiorum, non sunt opera, sed cognita Dei voluntas & misericordia propter Christum. Nec opera nostra sunt precium salutis & remissionis peccatorum, sed unica mors Christi, precium & hostia est pro peccatis totius mundi. Hoc tamen precium nulli distribuitur in praesenti ad remissionem peccatorum, nisi poenitenti & credenti: neq; ad salutem in futuro accipiendam, nisi diuina precepta seruanti, licet non propter illa precepta. Fides igitur est necessaria ad salutem, propter apprehensam iustificationem: Dilectio, propter retentionem. Et sic utrumque est necessarium ad salutem.

CAPUT IIII.

ARGUMENTA.

1. *Quæ peccata simul existant cum fide, gratia, atq; Spiritus sancto.*
2. *Quæ peccata excutiant gratiam Dei & Spiritus sancti.*
3. *Quos homines Spiritus sanctus adiuuet: & eis adiudicat, ut vincantur vitiosi motus.*

 Christus docuit omnes homines, etiam quantumcunque sanctos, orare ut dimittantur debita. Matt. 6. Illoq. significare voluit, etiam in sanctis manere peccata. Fide enim in Spiritu sunt sancti, carnales tamen, fragiles & peccatores, sicut Paulus qui fuit sanctus spiritu & fide: attamen conqueritur, quod non habitat in carne sua bonum, Rom. 7. fuit Peter sanctus spiritu, quando dixit: Tu es Christus filius Dei vivi, hoc crededo & confitudo: attamen peccator, dum Christum ex carnis timore negat, Mat. 16. & 26. Sic omnes sancti aliquando ex fragilitate carnis lapsi sunt: hoc quod etiam legimus de Apostolis, quoties

Mat. 16.

quoties dubitârunt, timuerunt, dormiérunt, fugam omnes fecerunt instantे passione, Matt. 26. Sic etiam alijs sanctis contigit, nondùm in sanctitate confirmatis. Sed tamen hoc discrimen tenendum est, quòd quedam peccata sunt eiusmodi, ut simul gratia & fides cum eis existere possint. Manet enim in sanctis naturalis infirmitas, id est, cōcupiscentia & multe vitiōsi affectus. Sed quia his non obtemperant sancti, sed repugnant & agnoscunt sibi condonari hanc infirmitatem propter Christum, hæc peccata dicuntur venialia, hoc est, talia, quæ sanctis condonantur, & propter quæ non amittunt gratiam & Spiritum sanctum. Est igitur peccatum veniale vitiōsus affectus, cui non obtemperant pīj, sicut admonet Apostolus Rom. 6. Non regnet peccatum in mortali corpore vestro. Sed repugnant, & credunt sibi eam infirmitatem condonari propter Christum, Rom. 8. Si spiritu facta carnis mortificaueritis, viuetis. Concupiscentia cum suis fructibus, est re ipsa mortale peccatum, & ipsa natura hominis repugnat voluntati Dei, sicut Apostolus Rom. 7. cōqueritur: Reperio aliam legem in membris meis, repugnantem &c. Nec est leuis morbus: eius enim magnitudo longè maius malum est, quām vt à ratione perspici possit, dubitatio de ira & misericordia Dei, securitas, dissidentia, non ardere dilectione Dei, non ardenter inuocare Deum, fremere aduersus Deum in afflictionibus, &c. Hęc vitia nō intelligit humana ratio, sed potius extenuat. Quarē & per se sunt peccata mortalia, & damnant, etiam si extrā non fierent exterā actiones flagitiosæ. Sed fides in Christum, quz pugnat contra talia, & credit sibi ignosci per Christum, facit vt sint venialia, id est, remittuntur. Hoc certamen est vera pœnitentia piorum, in quo crescit nouitas spiritualis, & concipiuntur noui & ardenteres motus spirituales, sicut Apostolus inquit 2. Cor. 4. Exterior noster homo corrum pitur

pitur, sed interior renouatur. & ad Colosæn. 3. Indui-
te nouum hominem, qui renouatur &c. ad Corinth. 2. Cor. 3.
In eadem imaginem transformamur à gloria in glo-
riam.

Peccata quæ excutiunt fidem, gratiam, & Spiri-
tum sanctum, sunt quandò non repugnat concu-
piscientiæ, sed potius obtemperatur vitiosis affecti-
bus cōtra conscientiam, & illa peccata fiunt morta-
lia, id est, propter quæ illi qui fuerant iusti, amittunt
fidem & Spiritum sanctum, & propter quæ fiunt rei
mortis æternæ, sicut Paulus ait 1. Corint 6. Fornica-
tores, adulteri, homicidæ, &c. non possidebunt re-
gnum D E I. Ephes. 5. Hoc autem scitote, quod omnis
immundus aut avarus, quod est idolorum seritus,
quia is non confidit D E O, sed aliud idolum, id est,
pecuniam sibi statuit pro D E O qui enutriat, &c.
Maledici &c. Roman. 8. Si secundūm carnem vixe-
ritis, moriemini. Galat. 5. Manifesta sunt opera car-
nis, quæ sunt fornicatio, immunditia, inimicitiæ,
contentiones, sectæ, comedationes, homicidia, ebrie-
tates, & his similia, quæ prædico vobis sicut prædi-
xi, quoniam qui talia agunt, regnum D E I nō possi-
debunt. Ita peccata sunt externæ actiones flagito-
re, quæ è carnis concupiscentia ebulliunt, si illis non
resistitur. Et tales omnes amittunt gratiam, fidem
& Spiritum sanctum. Fidem, quæ est fiducia miseri-
cordiæ consequendæ propter C H R I S T V M. Sed
hec misericordia nō sequitur interim, q̄ quis perse-
uerat in peccato: repugnant enim misericordia Dei,
& complacentia peccati. Ideo inquit David Psalm.
50. Peccatum meum contra me est semper. Gratiam,
id est, fauorem Dei excutiunt. Psalm. 33. Vultus Do-
mini super facientes mala, vt pereat de terra memo-
ria illorum. Postremò spiritum sanctum, qui datur ut
adiuuet nostram infirmitatem, Rom. 6. Sed cum ho-
mo non velit pugnare contra vitia, sed consentit, fit